



Inigisarput! Piginneqatigiilluni inissiaatit



Imai

| | |
|--|----|
| Aallaqqaasiut | 4 |
| Piginneqatigiilluni inissiaatillit peqatigiiffiat imaalilluni inissianik pissarsisinnaavoq..... | 4 |
| 1. Piginneqatigiilluni inissiaatillit peqatigiiffiat sanatitsisut | 5 |
| Sananermut piumasaqaatit | 5 |
| Aningaasalersuineq..... | 5 |
| Inissiat anginerusut akisunerusullu..... | 6 |
| Assersuut: | 7 |
| Pisortanit taarsigassarsiarititat tunniunneqarnerat | 7 |
| Inissiap annertussusia imatut naatsorsorneqassaaq..... | 7 |
| Kvadratmeterimut akiusoq imatut naatsorsorneqassaaq..... | 7 |
| Sananermut akiusoq | 8 |
| Qinnuteqaatip ingerlasarnera tulleriarlugu | 9 |
| Piginneqatigiilluni inissiaatillit peqatigiiffiat pilersinneqassaaq..... | 9 |
| Piginneqatigiilluni inissiaatillit peqatigiiffiata pisortanit taarsigassarsiniarluni qinnuteqarnera | 9 |
| Piginneqatigiilluni inissiaatillit peqatigiiffiata inissianik sanaartornera..... | 10 |
| Pisortanit taarsigassarsianik tunniussineq..... | 11 |
| 2. Piginneqatigiilluni inissiaatillit peqatigiiffiata inissianik nutaamik sananeqartunik sanatitsisumiit pisinera..... | 12 |
| Aningaasalersuineq:..... | 12 |
| Inissiat anginerusut akisunerusullu..... | 13 |
| Sanaartornerup nalaani aningaasalersuineq..... | 13 |
| Qinnuteqarnerup ingerlasarnera | 13 |
| Piginneqatigiilluni inissiaatillit peqatigiiffiat pilersinneqassaaq..... | 14 |
| Piginneqatigiilluni inissianik pisineq..... | 14 |
| Pisortanit taarsigassarsianik tunniussineq..... | 15 |
| 3. Inissianik attartortittakkanik piginneqatigiilluni inissiannngortitsisilluni allannngortitsineq . | 16 |
| Inissianik attartortittakkanik piginneqatigiilluni inissiannngortitsisilluni allannguinissamut piumasaqaatit..... | 16 |
| Aningaasalersuineq..... | 17 |
| Pisinerup akiusoq imatut naatsorsorneqassaaq..... | 17 |
| Qinnuteqarnerup ingerlasarnera | 18 |
| Piginneqatigiilluni inissiaatillit peqatigiiffiat pilersinneqassaaq..... | 18 |
| Peqatigiiffiup allannngortitsinissamik qinnuteqarnera..... | 18 |
| Pisinerup akiusumik aalajangiineq | 19 |
| Piginneqatigiilluni inissiaatillit peqatigiiffiata inissianik tigusinera | 19 |
| Inatsisit il.il. | 20 |
| Piginneqatigiilluni inissiaatit pillugit Inatsisartut peqqussutaat nr. 1, 31. oktober 1991-imeersoq | 20 |
| Paasissutissat sukumiisut | 21 |
| Piginneqatigiilluni inissiat | 22 |
| Inissianik assigiinngitsunik aningaasalersuisarnerup assersuutit | 22 |

| | |
|--|----|
| Piginneqatigiilluni inissiat 105 m ² -t aningaasalersorneqartarnerat..... | 23 |
| Piginneqatigiilluni inissiat 125 m ² -t aningaasalersorneqartarnerat..... | 23 |
| Piginneqatigiilluni inissiat 150 m ² -t aningaasalersorneqartarnerat..... | 24 |

Aallaqqaasiut

Piginneqatigiilluni inissiaq tassaavoq illup, piginneqatigiilluni inissiaatillit peqatigiiffiannit ataatsimut pigineqartup ingerlanneqartullu ilaa.

Piginneqatigiilluni inissiaatillit peqatigiiffiat tassaavoq piginneqatigiilluni inissianik, peqatigiiffimmi ilaasortanit atorineqartussanik sananissamik imaluunniit pisinissamik, pigisaqar-nissamik aqutaqarnissamillu siunertaqartoq.

Namminersornerullutik Oqartussat kommunilu piginneqatigiilluni inissiaatillit peqatigiiffiata piginneqatigiilluni inissianik pisineranut imaluunniit sananeranut erniaqanngitsunik akiler-sugassaannngitsunillu taarsigassarsisitsinermikkut tapersiissuteqartarput.

Piginneqatigiilluni inissiaatillit peqatigiiffiat illoqarfinni minnerpaamik inissianit arfinilinnit ilaasortaaffigineqassaaq, nunaqarfinnilu minnerpaamik inissianit sisamanit ilaasortaaffigi-neqassalluni.

Piginneqatigiilluni inissiaatillit peqatigiiffiat imaalilluni inissianik pissarsisinnaavoq

1. Nutaamik illuliorneq, piginneqatigiilluni inissiaatillit peqatigiiffiannit sanatitsisuuffigineqartoq
2. Piginneqatigiilluni inissiaatillit peqatigiiffiata piginneqatigiilluni inissianik nutaanik sanatitsisumit pisinera
3. Inissianik attartortittakkanik piginneqatigiilluni inissiaatinngortitsilluni allanngortitsineq

Kinguliani periarfissat pingasut taakku nassuiarneqarput, aammalu qinnuteqaatip ingerlasarnera tulleriaarlugu nassuiarneqarluni.




1. Piginneqatigiilluni inissiatillit peqatigiiffiat sanatitsisutut

Piginneqatigiilluni inissiatillit peqatigiiffiat nammineerluni sanatitsisuuppat, peqatigiiffiup sananerup ingerlanera aallaqqaataaniit naggataanut malinnaaffigissavaa. Peqatigiiffiup sanatitsisutut sanaartukkap qanoq iluseqarnissaa nammineerluni aalajangersinnaavaa, inatsisini piumasarisaasut atuuttut sananermi malinneqarpata.

Sananermut piumasaqaatit

Piginneqatigiilluni inissiat inissiatut quleriittut, illutut imminnut qanittutut/pukkitsutut imaluunniit illutut uiguleriittut sanaartorneqarsinnaapput. Aatsaat pisuni immikkorluinnaq ittuni piginneqatigiilluni inissiatillit peqatigiiffiat ilaqutariinnut ataatsinut illunuk imaluunniit illunuk affarleriinnik sanaartornissamut akuerineqarsinnaapput.



Aningaasalersuineq

Piginneqatigiilluni inissiatillit peqatigiiffiata inissiaatai imatut aningaasalersorneqassapput:

- Inissiap ataatsip sananeqarneranut aningaasartuutit **7%**-ii ilaasortanit ataasiakkaanit namminneerluni aningaasaliissutitut akilernerneqassapput
- Sanaartornermut aningaasartuutit tamakkiisut **33,33%**-ii Namminersornerullutik Oqartussanit erniaqanngitsutut akilersugassaangitsutullu taarsigassarsiaritineqassapput
- Sanaartornermut aningaasartuutit tamakkiisut **33,33%**-ii kommunimit erniaqanngitsutut akilersugassaangitsutullu taarsigassarsiaritineqassapput
- Sanaartornermut aningaasartuutit tamakkiisut **26,33%**-ii piginneqatigiilluni inissiatillit peqatigiiffiata aningaaserivimmit imaluunniit realkredittimit taarsigassarsiarisavai

Namminersornerullutik Oqartussat kommunilu piginneqatigiilluni inissiaq anginerugaluarpalluunniit annerpaamik 105 m²-nut tapiissuteqassapput, aammalu inissiaq akisunerugaluarpalluunniit sanaartornermut aningaasartuutitut tamakkiisunut annerpaamik m²-mut 15.000 kr.-inik tapiissuteqassallutik.

Taamaattumik piginneqatigiilluni inissiaatillit peqatigiiffiat inissiamut ataatsimut annerpaamik Namminersornerullutik Oqartussaniit 525.000 kr.-it aamma kommunimiit 525.000 kr.-it tikillugit erniaqanngitsunik akilersugassaangitsunillu pissarsisinnaavoq.

Inissiat anginerusut akisunerusullu

Piginneqatigiilluni inissiaatillit peqatigiiffianni ilaasortat inissianik anginerusunik akisunerusunillu kissaateqarsimappata, ilaasortat namminneerlutik tamatumunnga aningaasartuutaanerusussat akilissavaat.

Tamatuma saniatigut maleruagassaq una atuutsinneqarpoq:

Piginneqatigiilluni inissiaatillit peqatigiiffiata aningaasartuutissat saniatigut aningaasalersueqqinnissaq pisariaqartippagu, peqatigiiffik aningaaserivimmut imaluunniit realkredittimut annerpaamik m²-mut 6.000 kr.-it nalinginut taarsigassarsisinnaavoq. Tamatuma saniatigut annerusumik aningaasalersuisoqassappat nammineerluni aningaasaliissutit annerutinne- risigut tamanna pisariaqassaaq.



Assersuut:

Piginneqataasoq inissiamik 105 m²-mik 17.204 kr./m²-mik
nalilimmik sanatitsiniarpoq

| | |
|--|--------------|
| 7%-it nammineq aningaasaliissutit | . 126.452 kr |
| 33,33 %-it Namm. Oq. taarsigassarsiaritit | 525.000 kr. |
| 33,33 %-it kommunimit taarsigassarsiaritit | 525.000 kr. |
| Realkredittimit taarsigassarsiat | 629.968 kr. |

1.806.420 kr.

Peqatigiiffik matumani taarsigassarsinissamut annerpaaffissaq 6.000 kr./m²-it tikillugit realkredittimit taarsigassarsinissamik pisariaqartitsivoq, tassalu 6.000 x 105 (630.000 kr.)

Aningaasalersuinerup agguarneqarneranut assersuutissanik amerlanerusunik takusaqarniarlutit alakkarsinnaavat: www.nanoq.gl/iap

Pisortanit taarsigassarsiaritit tunniunneqarnerat

Namminersornerullutik Oqartussat aamma kommunip taarsigassarsiarititassa atsaat illuliap naammassinerani tunniunneqassapput, tassalu illuliaq atorineqarnissaminut akuerineqarpat. Aningaaseriviup peqatigiiffimmit attaveqarfigineqartup taarsigassarsiat erniaqanngitsut akilersugassaangitsullu tunniunneqarnissaasa tungaanut sanaartornerup ingerlasup aningaasalersorneqarnera isumagissavaa. Peqatigiiffiup taarsigassarsianut erniat illuliap naammassinissaata akuerineqarnissaatalu, aammalu taarsigassarsiat erniaqanngitsut akilersugassaangitsullu tunniunneqarnissaasa tungaanut akilersussavai.

Inissiap annertussusia imatut naatsorsorneqassaaq

- Naatsorsuinermi inissiap ataatsip silataani iikkaniit qilaavaniillu, aamma inissiat avinnerisa qeqqanniit uuttortaasoqassaaq
- Qaliami naqqullu iluani inigisassanik aaqqissuussisoqarsimatillugu taakku naatsorsuinermit ilanngunneqassapput
- Illup talua inissiat avinnerattut affartut naatsorsorneqassaaq
- Inissiami majuartarfiit illup quleriivini inissiamut majuartarfiit atorineqarfigisaannut ilanngullugit naatsorsorneqassapput

Toqqorsiviit, quit aneersaartarfiillu naatsorsuinermit ilanngunneqassangillat, oqorsarneqarlutik inigisassamut ilanngunneqanngippata.

Kvadratmeterimut akiusoq imatut naatsorsorneqassaaq

Kvadratmeterimut akiusup agguaqatigiisinneqarnera inissiat sananeqarnerannut akia tamakkiisoq tunngavigalugu naatsorsorneqassaaq, taannalu inissiatut atorineqartunut tamar-miusunut agguarneqassaaq.

Sananermut akiusoq

Sananermut akiusumut tamakkiisumut pilersaarusionerq, sanasunut aningaasartuutit, sananissamut taarsigassarsiat erniaat, najugaqarfissami sanaartorfissagissaaneq, sananermik aqutsineq kiisalu naqissusiinermut akitsuut ilanngunneqassapput.



Qinnuteqaatip ingerlasarnera tullerriiarlugu



Piginneqatigiilluni inissiatillit peqatigiiffiat pilersinneqassaaq

1. Inuk ataaseq amerlanerusulluunniit piginneqatigiilluni inissiatillit peqatigiiffiannik aallartitsinissaq suliniutiginiarlugu aallarniippat. Ilaasortat amerlassusaat inissiat amerlassusaattulli ikinnerpaamik illoqarfinni arfiniliussapput nunaqarfinnilu sismaassallutik.
2. Piginneqatigiilluni inissiatillit peqatigiiffiat pilersitsinermut isumaqatigiissusiussaaq. Taanna piginneqatigiilluni inissiatillit peqatigiiffiannik pilersitsinermut uppersaattit peqatigiiffimmik pilersitsisunit atsiorneqassaaq. Piginneqatigiilluni inissiatillit peqatigiiffiat pilersitsinermut isumaqatigiissummut najoqutassiamik Ineqarnermut Attaveqarnermullu Pisorta qarfimmu imaluunniit www.nanoq.gl/iap -mut saaffiginnilluni piniarsinnaavoq.
3. Peqatigiiffiup malittarisassai suliarineqassapput. Peqatigiiffiup malittarisassai minnerpaamik Naalakkersuisut malittarisassanut najoqutassiaanni allassimasunik immikkoortoqartinneqassapput. Malittarisassanut najoqutassiamik Ineqarnermut Attaveqarnermullu Pisorta qarfimmu imaluunniit www.nanoq.gl/iap -mut saaffiginnilluni piniartoqarsinnaavoq.

Piginneqatigiilluni inissiatillit peqatigiiffiata pisortanit taarsigassarsinialluni qinnuteqarnera

4. Piginneqatigiilluni inissiatillit peqatigiiffianni ilaasortat tamarmik immikkut aningaaserivimmu attaveqassapput, inissiallu ataasiakkaat sananeqarnissaannu aningaasartuutit 7 %-iinik nammineealluni aningaasaliinissamut neriorsuutaagallartumik pilsarsissallutik. Neriorsuutaagallartoq amerlanertigut tassaasarloq aningaaserivimmiit allagaq. Piginneqatigiilluni inissiatillit peqatigiiffiata peqatigiiffiup sanaartornermut aningaasalersuinissaanut tunngatillugu, aningaaserivimmit attaveqarfigisaminit siunnersortinnissani iluaqutigisinnaavaa.

5. Piginneqatigiilluni inissiatillit peqatigiiffiat nunaminertamik tunineqarallarnissaminik kommunimut qinnuteqassaaq.
6. Peqatigiiffik inissianut piumasaqaatinik kissaatinillu paasissutissartalimmik pilersaarusiussaaq, tassanilu pineqarput inissiat amerlassusissaat, inissiat annertus-susissaat immaqalu suliaassat titartagartassaat.
7. Peqatigiiffik pisortanit tapiissutissanik qinnuteqaammik kommunalbestyrelsimut nas-siussissaaq. Qinnuteqaat marlungorlugu nassiunneqassaaq, peqatigiiffiullu ilan-gutissavai:
 - Pilersitsinermi isumaqatigiissut
 - Malittarisassat
 - Suliassamut pilersaarut
 kiisalu:
 - Ilaasortat ataasiakkaat inissiat ataasiakkaat sanaartorneqarnissaannut aningaasartuutit 7%-iinik namminneerlutik aningaasaliissutissaannut uppernarsaatit
 - Peqatigiiffiup sanaartornissamut tamakkiisumut nammineerluni aningaasaliis-sutissanik pigisaqarneranut aningaaserivimmit imaluunniit realkredittimit neriorsuut
 - Kommunimit nunaminertamik tunineqarallarnermut uppernarsaat

Kommunip qinnuteqaat suliarissavaa inassutinilu Namminersorerullutik Oqartussanut, qinnuteqaatip suliarineqarnerata ingerlaqqinnissaanik isumaginnittuusussamut nassiuutissallugu. Qinnuteqaatit ingerlaavartumik nassiusuunneqarsinnaapput, tassalu ukioq kaajallallugu nassiussoqarsinnaalluni.

8. Peqatigiiffik Namminersorerullutik Oqartussaniit aamma kommunimiit neriorsuum-mik piumasaqaatitalimmik tigusaqaruni, suliariumannittussarsiuussinermi piffissa-mut pilersaarummik, kiisalu pilersaarutitut siunnersuummik iluarsisamik nassius-seqqullugu qinnuigineqassaaq. Aamma suliap ingerlanneqarneranut pisariaqartin-neqarpat peqatigiiffik aningaasalersuinissamut pilersaarummik, nunaminertamik tu-nineqarnissamik neriorsuummik kiisalu ilaasortat allattorsimaffiannik iluarsisamik nassiusseqqeqqullugu qinnuigineqarsinnaavoq.

Piginneqatigiilluni inissiatillit peqatigiiffiata inissianik sanaartornera

9. Peqatigiiffik pisussaavoq siunnersortimik, sanaartornermik immikkut ilisimasaqartu-mik, sanatitsisutut suliassanik isumaginnittuusussamik atorfinitsitsissalluni, sanaar-tornissat sanaartornermut pilersaarusiornermullu inatsisinik atuuttunik naammas-sinniffiusut kisimik tapiiffigineqarsinnaammata. Aamma sanaartornermi siunnersor-tip suliap ingerlanerani siusissukkut, soorlu sananissamut pilersaarusiornermut ata-tillugu ilanngutsinneqarnissaa iluaqutaasinnaavoq.

10. Inissianut piumasaqaatit peqatigiiffiup pilersaarusionermini aalajangersarsimasai aallaavigalugit peqatigiiffik suliassanut sulariumannittussarsiuussissaaq. Tamanna aviisitigut nuna tamakkerlugu saqqummersartutigut allagarsiinikkut pissaaq.
11. Peqatigiiffiup sulariumannittussarsiuussinerup inerneru tiguppagu sanaartornermi siunnersorti A-overslagiliussaaq, tassalu sanaartornermi aningaasartuutissatut naatsorsuutigineqartut sukumiisumik takussutissiussavai. Overslagi Namminersornerullutik Oqartussanut aamma kommunimut nassiunneqassaaq. Tamatumunnga peqatigitillugu peqatigiiffiup neqeroorutit arlaat atorusunnerlugu nalunaarutigisavaa. A-overslagi paasissutissanik ukuninnga imaqaassaaq:
- Suliassanut tamanut neqeroorutitut pissarsiarineqartut unioqqutinneqartussaangitsut
 - 5%-it ilimageriinngisamik aningaasartuutissanut atugassat
 - siunnersortimut akissarsiarititassat
 - sanaartorfissagissaanermut akiliutaasinnaasut
 - allaffissornermut aningaasartuutit
 - aningaasalersuinermut aningaasartuutit
 - naqissusiinermut akitsuutit

EQQAAMALLUGU aallaqqaammut unioqqutinneqartussaangitsunik isumaqatigiissusior-toqartussaammat, aammalu sanaartorneq aatsaat aallartinneqarsinnaammat Namminersornerullutik Oqartussat kommunilu peqatigiiffimmut tapersiinissamik allakkatigut inaarutaasumik neriorsuuteqareerpata.

12. Namminersornerullutik Oqartussat kommunilu peqatigiiffimmut tapersiinissamut inaarutaasumik neriorsuuteqareerpata, peqatigiiffiup nunaminertamik tunineqarnissamik inaarutaasumik kommunimut qinnuteqassaaq. Tamatuma kingorna entrepreneurøri kuisinissamut, assaanissamut sananissamullu akuersissummik piniarsinnaalissaaq, sanaartornerlu aallartinneqarsinnaalissalluni.

Pisortanit taarsigassarsianik tunniussineq

13. Piginneqatigiilluni inissiat piareerpata kommuni atuilernissamut akuersissummik tunniussissaaq. Sanaartornerup naammassinerani piaartumik peqatigiiffik Namminersornerullutik Oqartussanut aamma kommunimut sanaartornermut naatsorsuutini inaarutaasunik, atuilernissamut akuersissuttip assilineranik peqatigiiffiullu aningaaserivianit qularnaveeqquusiinnermut uppernarsaammik nalunaarsorsimasumik nassiussissaaq. Sanaartukkamut naammassisamut pisortat tapiissutissaat inaarutaasumik aalajangiiffigineqassapput, sanaartornermullu naatsorsuutit akuerisat tungavigalugit tunniunneqassallutik.

2. Piginneqatigiilluni inissiaatillit peqatigiiffiata inissianik nutaamik sananeqartunik sanatitsisumiit pisinera



Namminersornerullutik Oqartussat kommunilu piginneqatigiilluni inissiaatillit peqatigiiffianut, inissianik nutaamik sananeqartunik sanatitsisumiit pisiniartumut erniaqanngitsunik akilersugassaangitsunillu taarsigassarsititsillutik tapersiisarput. Piginneqatigiilluni inissiaatillit peqatigiiffiat inissianik nutaanik pisissaguni nammineq sanatitsisuunermisulli sanaartornerup ingerlanissaanut suniuteqarsinnaangilaq. Akerlianik piginneqatigiilluni inissiaatillit peqatigiiffiat sananerup nalaani suliaasaqaranilu akisussaaffeqassanngilaq, soorlu sanaartornermi siunnersortimik atorfinitsitsinissamik imaluunniit sanaartugassamut suliariumannittussarsiuussinissamik.

Aningaasalersuineq:

Piginneqatigiilluni inissiat naammasseriikkat imatut aningaasalersorneqassapput:

- Inissiamik ataatsimik pisinermut akiusup **7%**-ia ilaasortaanit ataasiakkaanit nammineerluni aningaasaliissutissatut akilerneqassaaq
- Pisinermut akiusup **33,33%**-ia Namminersornerullutik Oqartussanit erniaqanngitsutut akilersugassaangitsutullu taarsigassarsiaritinneqassaaq
- Pisinermut akiusup **33,33%**-ia kommunimit erniaqanngitsutut akilersugassaangitsutullu taarsigassarsiaritinneqassaaq
- Pisinermut akiusup **26,33%**-ia aningaaserivimmit imaluunniit realkredittimit taarsigassarsiarineqassaaq

Namminersornerullutik Oqartussat kommunilu inissiaq anginerugaluarpalluunniit annerpaamik 105 m²-nut tapiissuteqassapput, aammalu sanaartornermut aningaasartuutitut takkiisunut annerpaamik m²-mut 15.000 kr.-inik tapiissuteqassallutik.

Taamaattorli piginneqatigiilluni inissiaatillit peqatigiiffiat inissiamut ataatsimut annerpaamik Namminersornerullutik Oqartussaniit 525.000 kr.-inik aamma kommunimiit 525.000 kr.-inik erniaqanngitsunik akilersugassaannngitsunillu taarsigassarsisinnaapput.

Inissiat anginerusut akisunerusullu

Piginneqatigiilluni inissiaatillit peqatigiiffianni ilaasortat inissianik anginerusunik akisunerusunilluunniit kissaateqarpata, ilaasortat namminneerlutik tamatumunnga aningaasartuutit saniatigut aningaasartuutissat aningaasalersussavaat.

Tamatuma saniatigut maleruagassaq una atuutsinneqarpoq:

- Piginneqatigiilluni inissiaatillit peqatigiiffiata aningaasaliissutit saniatigut aningaasalersuinisaaq pisariaqartippagu, peqatigiiffik aningaaserivimmut imaluunniit realkreditimut annerpaamik m²-mut 6.000 kr.-it nalinginut taarsigassarsisinnaavoq. Tamatuma saniatigut annerusumik aningaasalersuisoqassappat nammineerluni aningaasaliissutit annerutinnerisigut tamanna pisariaqassaaq.

Aningaasalersuinerup agguarneqarneranut assersuutissanik amerlanerusunik takusaqar-niaruit una alakkarsinnaavat: www.nanoq.gl/iap



Sanaartornerup nalaani aningaasalersuineq

Sanatitsisup nammineerluni sanaartornermut aningaasartuutit tamakkerlugit aningaasalersussavai.

Inissiaq naammassippat aammalu sanaartukkamik piginneqatigiilluni inissiaatillit peqatigiiffiannut tunniussinermut atatillugu aatsaat taarsigassarsiarititassat erniaqanngitsut akilersugassaannngitsullu tunniunneqassapput.

Qinnuteqarnerup ingerlasarnera

Piginneqatigiilluni inissiaatillit peqatigiiffiat inissianik nutaanik sanatitsisumiit tigusinarpata, sanatitsisoq aalajangissaaq piginneqatigiilluni inissianik sananiarluni, tamatumalu kingorna

piginneqatigiilluni inissiaatillit peqatigiiffiannut tunisiniarluni. Qinnuteqartarnerup ingerlasarnera matuma kinguliani sammineqassaaq, erseqqissaatigineqassaarlu immikkoortut ataasiakkaat ataatsikkut ingerlanneqarsinnaammata.

Piginneqatigiilluni inissiaatillit peqatigiiffiat pilersinneqassaaq

1. Inuk ataaseq amerlanerusulluunniit piginneqatigiilluni inissiaatillit peqatigiiffiannik aallartitsinissaaq suliniutiginiarlugu aallarniippat. Ilaasortat amerlassusaat inissiat amerlassusaattulli ikinnerpaamik illoqarfinni arfiniliussapput nunaqarfinnilu sismaassallutik.
2. Piginneqatigiilluni inissiaatillit peqatigiiffiat pilersitsinermut isumaqatigiissusiussaaq. Taanna piginneqatigiilluni inissiaatillit peqatigiiffiannik pilersitsinermut uppersaattit peqatigiiffimmik pilersitsisunit atsiorneqassaaq. Piginneqatigiilluni inissiaatillit peqatigiiffiat pilersitsinermut isumaqatigiissummut najoqutassiamik Ineqarnermut Attaveqarnermullu Pisortaqarfimmut imaluunniit www.nanoq.gl/iap -mut saaffiginnilluni piniarsinnaavoq.
3. Peqatigiiffiup malittarisassai suliarineqassapput. Peqatigiiffiup malittarisassai minnerpaamik Naalakkersuisut malittarisassanut najoqutassiaanni allassimasunik immikkoortoqartinneqassapput. Malittarisassanut najoqutassiamik Ineqarnermut Attaveqarnermullu Pisortaqarfimmut imaluunniit www.nanoq.gl/iap -mut saaffiginnilluni piniartoqarsinnaavoq.

Piginneqatigiilluni inissianik pisineq

4. Piginneqatigiilluni inissiaatillit peqatigiiffiat sanatitsisorlu imminnut naapissapput. Piginneqatigiilluni inissiaatillit peqatigiiffiata sanatitsisumut nalunaarutigissavaa, sanaartornerup naammassinerata kingorna inissianik tigusinissani kissaatigalugu. Sanatitsisoq pineqartoq tamanna sioqqullugu Namminersornerullutik Oqartussanut kommunimullu taarsigassarsinissamut neriorsuummik, qularnaveeqqusiilluni taarsigassarsinermut allagartamik taaneqartartumik qinnuteqareersimasinnaavoq. Peqatigiiffik sanatitsisumut pisinissamik isumaqatigiissuteqarpat, qularnaveeqqusiilluni taarsigassarsinermut allagartaq peqatigiiffimmut, piginneqatigiilluni inissianik pisinissamik kissaateqartumut tunniunneqassaaq (tak. imm. 6)

Sanatitsisup qularnaveeqqusiilluni taarsigassarsinissamut allagartamik qinnuteqarnerani uku ilanngunneqassapput:

- Nunaminertamik tunineqarallarneq
- Pilersaarussiaq
- Sanatitsisup sananermut aningaasartuutunik aningaasalersuinissaanut uppersaattit

5. Piginneqatigiilluni inissiaatillit peqatigiiffiani ilaasortat aningaaserivimmut attaveqassapput, inissiallu ataasiakkaat sananeqarnissaannut aningaasartuutit 7 %-iinik

nammineerluni aningaasaliinissamut neriorsuutaagallartumik pissarsissallutik. Tamatuma saniatigut piginneqatigiilluni inissiatillit peqatigiiffiat sanaartornermut aningaasartuutit tamakkiisut 26,33%-iinik taarsigassarsinissamut qularnaveeqqusiisummik pissarsissapput.

6. Peqatigiiffiup sanatitsisullu tunniussinissaq isumaqatigiissutigissavaat. Sanatitsisup piginneqatigiilluni inissiatillit peqatigiiffiisa arlaat inissianik qularnaveeqqusiilluni taarsigassarsinissamut allagartamik tiguserisoq, Namminersornerullutik Oqartussanut imaluunniit kommunimut ilisimatitsissutigissavaa. Tamatuma kingorna peqatigiiffiup uku Namminersornerullutik Oqartussanut kommunimullu nassiutissavai:

- Pilersitsinermi isumaqatigiissut
- Malittarisassat
- Pilersaarussiaq

kiisalu:

- Ilaasortat ataasiakkaat inissiat ataasiakkaat sanaartorneqarnissaanut aningaasartuutit 7%-iinik namminneerlutik aningaasaliissutissaannut uppernarsaatit.
- Peqatigiiffiup pisinissamut akiusumik realkredittimit taarsigassarsinissaanut neriorsuut.

Pisortanit taarsigassarsianik tunniussineq

7. Sanaartornerup naammassinerata pisinissamullu isumaqatigiissutip atsiorneqarnerata kingorna piaartumik pisinermut uppernarsaatip peqatigiiffiullu aningaaserivianiit qularnaveeqqusiinnermut uppernarsaatip nalunaarsorsimasup assilineri peqatigiiffiup Namminersornerullutik Oqartussanut kommunimullu nassiutissavai. Tamatuma kingorna pisortat tapiissutissaat tunniunneqassapput.

3. Inissianik attartortittakkanik piginneqatigiilluni inissiannngortitsilluni allannngortitsineq



Pisortat inissiaataanni attartortittakkani attartortut inissianik attartukkaminnik piginneqatigiilluni inissiaatinngortitsiniarlutik Namminersornerullutik Oqartussanut imaluunniit kommunimut qinnuteqarsinnaapput.

Piginneqatigiilluni inissiaatillit peqatigiiffiat illuummik ataasiinnarmik pisisinnaapput, tamatumani illuutit arlallit ataatsimoorussanik atortulersugaanertik, soorlu ataatsimut kiassarner-tik, errorsisarfeqarnertik, ataatsimoortarfeqarnertik il.il. pissutigalugu ataatsimoortutut isigineqartut pineqanngippata.

Inissianik attartortittakkanik piginneqatigiilluni inissiannngortitsilluni allannguinnissamut piunasaqaatit

- Aatsaat illumi attartortut minnerpaamik sisamararterutaasa pingasut (3/4) illuutip piginneqatigiilluni inissiaqarfinngortillugu allannngortinneqarnissaa kissaatigippassuk tamatumunnga akuersissuteqartoqarsinnaavoq. Tamatuma saniatigut piginneqatigiilluni inissiaatillit peqatigiiffiat minnerpaamik illoqarfinni arfinilinnik nunaqarfinnilu sisamanik ilaasortaqaassaaq. Assersuutigalugu inissiat qulingiluat atornerqarneri allannngortinneqassappat, attartortut inissianik piginneqatigiilluni inissiaatit tigusinissamik kissaateqartut minnerpaamik arfineq marluussapput. Illumi inissiat aqqaneq marluuppata, attartortut inissiap najukkamik atornerqarneranik allannguinnissamik kissaateqartut minnerpaamik qulingiluaassapput.
- Inissiani attartortittakkani attartortut illuummi inissiat piginneqatigiilluni inissiaatinngortitsiniarlutik piginneqatigiilluni inissiaatillit peqatigiiffiannik pilersitsinissartik kissaatigippassuk, attartortut tamarmik peqatigiiffimmuut ilaasortanngornissamik allakatigut neqeroorfigineqassapput.

- Illuutunik atuinermik allanguiniarnermi taamaallaat illuutit tamarmiutillugit allangortinneqarsinnaapput. Taamaallilluni piginneqatigiilluni inissiaatillit peqatigiiffiat illuummut tamakkiisumut piginnittussangortinneqassaaq. Inissiamik piginnittoq, tassalu Namminersornerullutik Oqartussat imaluunniit kommuni attartortut peqatigiiffimmut ilaasortarusunngitsut sinnerlugit piginneqataasutut inississaaq. Attartortut piumasaqaatit allangortinnagit namminneerlutik nuunniarlutik aalajangerisamik tungaanut inissiami najugaqaannassapput, imaluunniit inissiap najugarisap angeqqataanik neqeroorfigineqassallutik. Anisoqarnerani piginneqataalersup nu-taap inissiaq tigusinnaavaa.

Aningaasalersuineq

- Inissiamik ataatsimik pisinermut akiusup **7%**-ia ilaasortat ataasiakkaat namminneerlutik aningaasaliissutissatut akilissavaat.
- Pisinermut akiusup **66,67%**-ia illuutip piginnittuanit – tassalu Namminersornerullutik Oqartussanit imaluunniit kommunimit erniaqanngitsutut akilersugassaangitsutullu taarsigassarsiaritinneqassaaq. Taarsigassarsiat Kalaallit Nunaanni sanaartornermut aningaasartuutunik nalileeriaaseq malillugu iluarsineqartassapput.
- Pisinermut akiusup **26,33%**-ia piginneqatigiilluni inissiaatillit peqatigiiffiata aningaaserivimmit imaluunniit realkreddittimit taarsigassarsineratigut aningaasalersorneqassaaq.

Pisinermut akiusoq imatut naatsorsorneqassaaq

Pisinermut akiusoq illuutip teknikkikkut aningaasaqarnikkullu nalinganik nalilerlugu aalajangerneqassaaq. Illuutip teknikkikkut aningaasaqarnikkullu nalinganik aalajangersaanermi sananeqarnerani atortussanut akiliutit, sulinermi akissarsiat aningaasaliissutinullu aningaasartuutit tunngavigineqassapput. Tassa illuutip qanoq naleqarnera kisimi eqqarsaatigineqassaaq, niuernikkut nalinga naapertorlugu isertitarisinnaasat eqqarsaatigineqassanatik.



Qinnuteqarnerup ingerlasarnera



Piginneqatigiilluni inissiatillit peqatigiiffiat pilersinneqassaaq

1. Piginneqatigiilluni inissiatillit peqatigiiffiat pilersinneqassaaq. Ilaasortat minnerpaa-mik inissiani attartortittakkani attartortut tamakkiisut sisamararterutaannik pingasu-nik (3/4) amerlassuseqassapput.
2. Peqatigiiffik pilersitsinermut isumaqatigiissusiussaaq, taannalu ilaasortanit tamanit atsiorneqassaaq. Piginneqatigiilluni inissiatillit peqatigiiffiat pilersitsinermut isuma-qatigiissummut najoqqtassiamik Ineqarnermut Attaveqarnermullu Pisorta qarfirmut imaluunniit www.nanoq.gl/iap -mut saaffiginnilluni piniarsinnaavoq.
3. Peqatigiiffiup malittarisassani suliarissavai. Peqatigiiffiup malittarisassai minnerpaa-mik Naalackersuisut malittarisassanut najoqqtassiaanni allassimasunik immikkoor-toqartinneqassapput. Malittarisassanut najoqqtassiamik Ineqarnermut Attaveqar-nermullu Pisorta qarfirmut imaluunniit www.nanoq.gl/iap -mut saaffiginnilluni piniar-toqarsinnaavoq.

Peqatigiiffiup allangortitsinissamik qinnuteqarnera

4. Peqatigiiffik illuummik piginnittumut – tassalu Namminersorerullutik Oqartussanut imaluunniit kommunimut – inissianik attartortittakkanik piginneqatigiilluni inissiatin-ngortitsilluni allangortitsinissamik qinnuteqassaaq. Peqatigiiffiup uppersaaitit uku ilanngullugit nassiutissavai:
 - Pilersitsinermut isumaqatigiissut
 - Peqatigiiffiup malittarisassai
5. Illuummik piginnittup peqatigiiffik qinnuigissavaa siunnersortimik sanaartornermik ili-simasalimmik kiisalu siunnersortimik aningaasalersuineramik ilisimasalimmik atorfi-nitsitseqqullugu.

Pisinnermut akiusumik aalajangiineq

6. Illuummik piginnittoq peqatigiiffiullu siunnersortaa sanaartormik ilisimasalik ataatsimoorlutik illuutip inissiallu ataasiakkaat qanoq issusiinik misissuissapput, naliliinisaq tamatumalu kingorna pisinnermi akiusup annertussusissaata aalajangerneqarnissaa siunertaralugu.
7. Piginneqatigiilluni inissiaatillit peqatigiiffiani ilaasortat aningaaserivimmut attaveqasapput, inissiallu ataasiakkaat pisiarineqarnissaannut aningaasartuutissatut missiliorneqartut 7 %-iinik nammineerluni aningaasaliinissamut neriorsuutaagallartumik pissarsissallutik. Piginneqatigiilluni inissiaatillit peqatigiiffiat pisinnermut aningaasartuutissatut missiliorneqartut 26,33%-iinik taarsigassarsinissamut qularnaveeqqusiisummik pissarsissapput.
8. Illup pisiarinerani aki inaarutaasumik aalajangiiffigineqassaaq.

Piginneqatigiilluni inissiaatillit peqatigiiffiata inissianik tigusinera

9. Siulersuisuni ilaasortat atsiorsinnaatitaasut illuutip pisiarineranut uppersaammik atsiuartortinneqarlutik aggersarneqassapput. Peqatigiiffiup aatsaat atsiornikkut illuut pisiarisinnaavaa.
10. Peqatigiiffiup illu tigussavaa.
11. Peqatigiiffik tunisisumut akiliissaaq. Piginneqatigiilluni inissiaatillit peqatigiiffiata realkredittimiit taarsigassarsiai ullup tigusiiffiusup kingorna tunniunneqarpata, pisinnermut akiusup tassunga tunngasortaanut ernialiusat peqatigiiffiup tunisisumut akilissavai. Ullormit tigusiiffiusumiit taarsigassarsiat tigusissaasa tungaanut ernialersuisoqartarpoq.
12. Taamaalilluni inissiat piginneqatigiilluni inissiaatit allanngortinneqarput.

Inatsisit il.il.



Piginneqatigiilluni inissiaatit pillugit inatsisit Ineqarnermut Attaveqarnermullu Pisorta qarfiup nittartagaanit uunga aaneqarsinnaapput: www.nanoq.gl/iap

Piginneqatigiilluni inissiaatit pillugit Inatsisartut peqqussutaat nr. 1, 31. oktober 1991-imeersoq

Inatsisartut peqqussutaatigut nr. 11-kkut, 6. oktober 1997-imeersukkut allannguuteqartinneqartoq

Inatsisartut peqqussutaatigut nr. 17-ikkut, 12. november 2001-imeersukkut allannguuteqartinneqartoq

Inatsisartut peqqussutaatigut nr. 4-kkut, 21. maj 2002-meersukkut allannguuteqartinneqartoq

Inatsisartut peqqussutaatigut nr. 7-ikkut 15. april 2003-meersukkut allannguuteqartinneqartoq

Piginneqatigiilluni inissianik sanaartornermi akuersissuteqartarneq pillugu nalunaarut nr. 35, 27. august 1990-imeersoq.

Piginneqatigiilluni inissiaatillit peqatigiiffianni malittarisassat nalinginnaasut pillugit nalunaarut nr. 13, 25. juni 1992-imeersoq.

Namminersornerullutik Oqartussat kommunillu inissiaataasa attartortittakkat teknikikkut aningaasatigullu nalilivigineqartarnerat pillugu nalunaarut nr. 9, 12. maj 2003-meersoq.

Aammattaaq inissianut aningaasalersuariaatsit assigiinngitsut assigiinngissutaat pillugit atuagaqarit, aningaasalersuinerullu agguarneqartarnerinut assersuutinik takusaqarlutit, uani www.nanoq.gl/iap

Paasissutissat sukumiisut

Uunga saaffiginnilluni pissarsiarineqarsinnaapput:

Namminersornerullutik Oqartussat
Ineqarnermut Attaveqarnermullu Pisortaqarfik, Ineqarneq
Box 909
3900 Nuuk
Tlf.: 34 50 00
Fax: 34 54 10
www.nanoq.gl/iap

Piginneqatigiilluni inissiat


Inissianik assigiinngitsunik aningaasalersuisarnermut assersuutit

| Amerlasusii kvm | Akia Kvm | Sananeqarnermini akia inissiamut ataatsimut katill. | 7% nammineq aningaasaliissutissat | 33,33% Namm. Oq. Taarsigassarsiat | 33,33% Kommunit taarsigassarsiat | 26,33% imlt. Annerpaamik 6.000 kr/kvm realkredittimit taarsigassarsiat | Realkredittimit 105 kvm sinnerlugit | Immikkut nammineq aningaasaliissutissat | Nammineq aningaasaliissutissat katillugit |
|-----------------|----------|---|-----------------------------------|-----------------------------------|----------------------------------|--|-------------------------------------|---|---|
| 105 | 14.500 | 1.522.500 | 106.575 | 507.500 | 507.500 | 400.925 | | 0 | 106.575 |
| 105 | 17.500 | 1.837.500 | 128.625 | 525.000 | 525.000 | 630.000 | | 28.875 | 157.500 |
| 105 | 19.500 | 2.047.500 | 143.325 | 525.000 | 525.000 | 630.000 | | 224.175 | 367.500 |
| | | | | | | | | | |
| 125 | 14.500 | 1.812.500 | 126.875 | 507.500 | 507.500 | 400.925 | 120.000 | 149.700 | 276.575 |
| 125 | 17.500 | 2.187.500 | 153.125 | 525.000 | 525.000 | 630.000 | 120.000 | 234.375 | 387.500 |
| 125 | 19.500 | 2.437.500 | 170.625 | 525.000 | 525.000 | 630.000 | 120.000 | 466.875 | 637.500 |
| | | | | | | | | | |
| 150 | 14.500 | 2.175.000 | 152.250 | 507.500 | 507.500 | 400.925 | 270.000 | 336.825 | 489.075 |
| 150 | 17.500 | 2.625.000 | 183.750 | 525.000 | 525.000 | 630.000 | 270.000 | 491.250 | 675.000 |
| 150 | 19.500 | 2.925.000 | 204.750 | 525.000 | 525.000 | 630.000 | 270.000 | 770.250 | 975.000 |


- Sananermut akigitinneqarpoq kvm-t katillugit x kvm-mut akia.
- Sananeqarneranut akiusup 7%anut nammineq aningaasaliissutissat.
- Namminersorerullutik Oqartussat aamma kommuni immikkut sananermut akiusup 33,33%-iinik taarsigassarsisitsissapput, taamaattorli annerpaamik kommunimii 525.000 kr.-iussallutik aamma Namminersorerullutik Oqartussaniit 525.000 kr.-iussallutik.
- Realkredittimit taarsigassarsiat 105 kvm-nut siullernut 26,33%-iussapput. Realkredittimit taarsigassarsianut kvm-t amerlassusaat (105 tikillugu) x kvadratmeeterimut skiusoq, Namminersorerullutik Oqartussanit taarsigassarsiat ilanngaatilugit aamma kommunimit taarsigassarsiat ilanngaatilugit naatsorsuutigineqassapput. Taamaattoli realkredittimit taarsigassarsiat annerpaamik kvm-mut 6000 kr.-iussapput. Aamma 105 kvadratmeterit sinnerlugit sananermi kvm-mut annerpaamik 6.000 kr.-iussapput. Taakku saniatigut aningaasartuutissat allat nammineq aningaasaliissutissat ilanerisigut aningaasalersorneqassapput.
- Immikkut sananermut akiusumut nammineq aningaasaliissutissat, nammineq aningaasaliissutit 7%-iusut, Namminersorerullutik Oqartussanit kommunimillu taarsigassarsiat, 105 kvm-nut siullernut realkredittimit taarsigassarsiaat kiisalu realkredittimit taarsigassarsiat ilanngunnagit.

Nangissaaq ...

Piginneqatigiilluni inissiat 105 m²-t aningaasalersorneqartarnerat



Piginneqatigiilluni inissiat 125 m²-t aningaasalersorneqartarnerat



Piginneqatigiilluni inissiat 150 m²-t aningaasalersorneqartarnerat

